



宇多天皇事記
史料十四
八

U75
2063
14



95



史料卷之十四

宇多天皇事記第八 起寬平六年正月 盡十二年正月 宇多天皇



寬平六年甲寅

正月小 乙丑朔

三日丁卯播磨權守高藤叙從三位事

公卿補任云藤高藤寬平二年二月廿七日

叙從四位下四年正月廿三日任播磨權守

六年正月三日叙從三位 按又見一代要記

七日辛未參議有實等加階事

公卿補任云參議正四位上藤有實左中將

正月七日叙從三位參議正四位下藤國經

皇太后宮大夫正月七日叙從三位

按又見古今集

目錄

賜宗于王源姓事

三十六人歌仙傳云源朝臣宗于光孝天皇

孫式部卿是忠親王男寬平六年正月七日

叙從四位下

王氏改姓為臣按古今集目錄同之

二月大

甲午朔

八日辛丑祭主有本卒事

類聚大補任云祭主正五位上行神祇大副

有本二月卒

大神宮例文云祭主有本清磨六男今磨孫

常陸少掾雄良男貞觀十四年任在任廿二

年寬平六年二月八日卒

按大中臣氏系圖同之

大中臣氏系圖袁書云貞觀十二年豐雄卒
同十三年祭主闕職同十四年有本補祭主
少副從五位下也同十六年正月補大副元
慶元年從五上同八年正五下大嘗會賞寬平元
年十一月正五位上大嘗會賞同六年卒
類聚國史云元慶元年十一月廿一日戊午
授散位從五位下田口朝臣緣範神祇大副
大中臣朝臣有本並從五位上八年十一月

廿五日壬午授從五位上安倍朝臣興行神
祇大副大中臣朝臣有本並正五位下
三代實錄云元慶三年七月五日癸巳以正
五位下守權左中辨藤原朝臣春景從五位
上行神祇大副大中臣朝臣有本等任伊勢
齋內親王裝束司按有本從此日至五年九
月十一日往二見本書其
位署皆與此同只四年二月五日
下為正五位下疑傳寫之誤也五年十一
月十一日乙卯遣散位從五位上大中臣朝

臣有本等奉幣於太神宮六年九月十三日
壬午遣武藏權守從五位上弘道王向伊勢
大神宮奉幣去十一日可發此使內裏犬產
故從停廢於是神祇大副從五位上大中臣
朝臣有本言元慶元年內裏犬產十一日停
奉幣使十三日發遣大外記正六位上巨勢
朝臣久宗言犬產之穢當忌三日元慶元年
九月九日犬產十一日忌限既滿十二日前

散齋十三日致齋十四日後散齋然則今月
十日犬產忌限滿日在前散齋相議外記所
執有理然而所司行事幣物既備仍從有本
之言仁和二年六月廿三日辛未任伊勢齋
內親王裝束司正五位下行神祇大副大中
臣朝臣有本左近衛少將正五位下兼守左
中弁行備前權介藤原朝臣有穗六位已下

六人

按本史不載有本任
除姑抄之以備參考

廿二日^{乙卯}令准耕田數^中班舉正稅事

類聚三代格云太政官符應准耕田數^下班舉正稅并有對捍輦即科其罪事^上右得紀伊國解備檢案內此國調庸租稅并年料雜米及例貢雜交易等色其數猥積遷代國司無力辦濟空過秩限遂為身煩伏尋由緒總依民不堪躬耕^中沽却口分田也方今良田多歸富豪之門出舉徒給貧弊之民收納難濟官物

自失因斯前國吏等推量田疇之數班舉買耕之人而或諸司官任雜任并良家子弟內外散位以下及諸院諸宮王臣勢家人等多接部內領作田地至于班舉正稅偏恃官位及本主對捍國司曾無承引望請官裁不論土浪貴賤准耕田數段別五束以上班舉正稅若有對捍輦者勘收所營之穫穎填補不足之官稻以為懲肅曾不寬縱謹請官裁者

中納言兼右近衛大將從三位行春宮大夫
藤原朝臣時平宣奉勅依請若德肅之後猶
不悛改京户子弟及浪人者依寬平三年九
月十一日格勒還本鄉及移配遠所不復留
住其當國人怙終之者不論有官無職及院
宮勢家人錄名言上殊處重科諸國若有此
類同亦准之寬平六年二月廿二日按政事
要略天
曆元年宣旨引
此符為廿三日

是月彗星出事

文在
四月

三月小 甲子朔

三日 丙寅 曲水宴事

管家文案有勅賜視上已櫻花御製之詩敬
奉謝恩旨不啻看櫻也惜春紅粧寫得玉章
新微臣縱得陪遊宴當有花前腸斷人
是春於中殿詩御會事

菅家文草翫梅花應製寬平隨處有梅揔可

憐不如獨立月明前香風豈啻花吹出半是

清涼殿裏煙按此會據本集次第在正二兩月間

四月小癸巳朔

十六日戊申參議國經兼大宰權帥事

公卿補任云參議正四位下藤國經皇太后

宮大夫正月七日叙從三位四月十六日兼

大宰權帥

古今集目錄云藤原國經寬平六年正月七

日從三位四月十六日兼大宰權帥大夫如

元

十八日庚戌大中臣安則任祭主事

類聚太補任云祭主正六位上行神祇權大

祐大中臣安則四月十八日任在任卅九年

祭主子老孫道雄男也

大神宮例文云祭主安則子老卿孫伯耆大

掾道雄六男寬平六年四月任

大中臣氏系圖裏書云安則寬平六年四月
補祭主權大祐正六位上也

廿五日丁巳大江千里奉句題和歌事

句題和歌序云臣千里謹言去二月十日參
議、朝臣傳勅曰古今和歌多少獻上奉
命以後魂神不安卧重病延以至今臣儒門
餘孽側聽言詩未習艷辭不知所爲今臣纔

搜古句構成新歌別亦加自詠十首摠百廿
首悚恐震懾謹以舉進豈求駭目只欲解頤
千里誠恐誠懼謹言寬平六年四月廿五日
散位從五位上大江朝臣千里

是月新羅賊來事

一代要記云寬平六年甲寅四月新羅賊船

來按又見日本運
上錄捐鳴曉筆

扶桑略記延喜十八年十月十五日下云故

昔より小多心小多心

八日己賜權中納言國經隨身事

一代要記云藤國經寬平六年五月五日任

權中納言同八日賜左右近衛左右兵衛八

人為隨身

十二日癸酉禁貴賤乘車事

政事要略云寬平六年五月十二日宮符云

男女有別禮敬殊著而頃年上下摠好乘車

非施新制何改弊風左大臣宣奉勅不論貴

賤一切禁制者親王公卿摠制乘車明經學

生秦維興依輒乘車被斷其罪即處違式之

科

是月唐客入朝事

扶桑略記云寬平六年甲寅五月唐客舍詔

入朝

六月小壬辰朔

一日壬辰令同率紀伊國神戶官戶課丁事

類聚三代格云太政官符應同率神戶官戶課丁事右得紀伊國解備檢案内官戶課丁少數常煩所司勘出尋彼由緒官戶悉爲神戶百姓之所致也何者此國有封神社惣十一處所充封戶二百廿二烟可有正丁千二百七十六人此則依式每戶以五六人所率之數也而今神戶所領正丁之數或戶十五

六人或戶二三十人官戶所有課丁之數或戶僅一二人或戶曾無課丁詳檢其由神戶課役頗輕官戶輸貢尤重因斯脫彼重課入此輕役謹案式云戶以正丁五六人爲一戶其神寺封丁若有增益者隨即減之死損者不須更加而國造并祢亘祝等寄事神祇曾無改正積慣之漸忽然難變望請不論神戶官戶總計國內課丁每戶同率貫附辨定之

後若有輒改替者尋其所由依法科罪謹請
官裁者右大臣宣依請寬平六年六月一日

按政事要
略又載之

廿二日癸丑史生巨勢有野為後院使間給上日

事

類聚符宣抄云史生巨勢有野右被大納言
正三位兼行左近衛大將皇太子傳陸奧出
羽按察使源朝臣能有宣云件人遣後院使

經使之間給上日者寬平六年六月廿二日
少外記多治宗範奉

廿七日戊午傳燈大法師濟棟任東大寺別當事

東大寺別當次第云傳燈大法師濟棟已寬

平六年六月廿七日官符年六十七薦四十
八法相宗本寺唐禪院

七月小辛酉朔

一日辛酉聽左大臣融等乘車事

古今集目錄云河原左大臣源融寬平六年

七月一日有許車勅

公卿補任云左大臣從一位源融年七十七七月

勅許車右大臣從二位藤良世年七十七七月勅

許車

七日丁卯七夕御會事

菅家文案同紀長谷雄發韶奉和御製七夕祈秋穗

詩之作非書非劍我君明千尺願絲一箇情

珍重素風初七夕待來銅雀第三聲佳期恰

似時難遇巧思祈同月易盈偏祝西成兼所

感四駒晝夜破行程

十六日丙子禁諸院官等使強雇船車人馬事

類聚三代格云太政官符應禁止諸院諸官

諸司諸家使等強雇往還船車人馬事右得

上總越後等國解備得諸郡調網郡司并雜

掌綱丁等解備進上調物以馱為本運漕官

米以船爲宗而上道之日前件諸院等使結
黨路頭追妨馱馬率類津邊覆奪運船於是
有心逐馬無顧彼荷官物致欠失之煩綱領
陷逗留之責加之部內百姓差預綱領之日
苦此濫惡逃竄他境國之弊亡莫過於斯望
請下知路次諸國永休民愁謹請官裁者大
納言正三位兼行左近衛大將皇太子傳陸
奧出羽按察使源朝臣能有宣如此之事格

制先立曾無懲肅責在國宰宣下知尾張參
河遠江駿河近江美濃越前加賀能登件等
諸國特施嚴制一切禁斷若有強雇者准之
強盜科罪其身者諸國承知膀示路頭津邊
莫令重然寬平六年七月十六日按一本為廿六日
廿二日壬午太政官賜在唐僧中權報牒事
管家文草奉勅爲太政官報在唐僧中權牒
太政官牒在唐僧中權報上表狀牒奉勅省

中瓘表悉之久阻兵亂今稍安和一書數行
先憂後喜罄源茶等准狀領受誠之為深溟
海如淺來狀云温州刺史朱褒特發人信遠
投東國波浪眇焉雖感宿懷替之舊典奈容
納何不敢固疑中瓘消息事理所至欲罷不
能如聞商人說大唐事之次多云賊寇以來
十有餘年朱褒獨全所部天子特愛忠勤事
之髣髴也雖得由緒於風聞苟為人君者孰

不傾耳以悅之儀制有限言申志屈迎送之
中披陳旨趣又頃年頻災資具難備而朝議
已定欲發使者辨整之間或延年月大官有
問得意叙之者准勅牒送宣知此意沙金一
百五十小兩以賜中瓘旅庵衣鉢適支分銖
故牒寬平六年七月廿二日

是月於仁壽殿相撲召合事

西宮記云承平三年七月廿四日貞公御記

忠平

云仁壽殿前有相撲召合有音樂立合等是
寬平六年例也參議已上候殿上檢彼寬平
例參議陪階下者按小月以廿七八日為式
日此月亦必在兩日間
北山抄仁壽殿相撲召合條云承平三年依
南殿頻有物恠御此殿有音樂立合寬平六
年例也按江家次第同之
八月大庚寅朔
四日癸巳定雜米未進罪事

類聚符宣抄云太政官符應依雜米未進斷
罪國郡司返國司解由事右左大臣奏狀備
日者大炊廩院數申無庫尋其由緒誠緣未
進凡年料白米者以大稅利稻諸國春進一
年應納萬八千石而或年見納六七千石或
年纔八九千石然則既欠三分之一何支百
僚之用伏見格條寶龜元年四年頻垂法制
云諸國雜米未進數多既闕國用事須掾領

已上專當其事史生以上充綱領送若有未
進無問多少國司史生已上皆奪公廨主典
已上並即貶考專當官者解却見任郡司主
帳以上咸取職田解任貶考亦同國司延曆
十四年格云依少奪多事實不穩而斛米正
絹一物未進偏稱格式悉奪公廨於事思量
深乖弘恕自今以後且國司史生已上各作
差法准未進數割其公廨隨色辨備進納京

庫據件等格隨未進誤公廨雖載延曆之格
罪專當貶綱領尚存寶龜之制今之所庶專
當國司罪如始制綱領史生亦解却見任其
國司進解由之日知無未進及後收之者中
納言兼右近衛大將從三位行春宮大夫藤
原朝臣時平宣奉勅依請寬平六年八月四
日

十一日
庚子檢非違使別當光等請官人加階事

政事要略云檢非違使請被特授六位官人
等事左衛門少志正七位下水車貞椀府生
正七位上當世宿禰基宗右衛門少志正七
位下惟宗朝臣善經右謹檢案內七位已下
者補檢非違使之日特授六位望請依承前
例將被特授謹請寬平六年八月十一日右
衛門權佐源朝臣當時左衛門權佐源朝臣
唱別當中納言兼左衛門督源朝臣光

於叡山常行堂始修引聲念佛事

帝王編年記云寬平六年甲寅八月十一日
常行堂始修引聲念佛彼引聲念佛者覺大
師於大唐清涼山謁法道和尚所傳給也極
樂法音也歸朝之時於船上三尊顯現今傳
成就如是也節給矣

山門堂舍記云常行堂別記云寬平五年奏
宇多天皇、慈覺大師行法始行三世常住

大念佛也寬平六年八月日持念堂和尚猷
憲之時始行不斷念佛

四大寺傳記云常行堂安置阿彌陀佛像寬
平五年靜觀僧正顯作大威德建立之寬平

七年始念佛又安置千手觀音廿八講五時

講每年行之按三書各有異
同未知孰是

廿一日庚戌參議道真等補遣唐使事

扶桑略記云八月廿一日甲寅遣唐大使參

議左大辨兼勘解由長官菅原道真五十遣

唐副使紀長谷雄四十九○按甲寅當作庚戌

公卿補任云參議從四位下菅道真左大辨

式部權大輔春宮亮勘解由長官八月廿一

日兼遣唐大使按又見一代要記大
鏡裏書古今集目錄

又尻付云源昇寬平五年正月廿一日叙從

四位下二月廿二日補藏人頭轉左中弁木

上頭美濃權守等如元六年八月兼遣唐裝

園城寺長史次第云猷憲內供阿闍梨智證

弟子下野國人寬平六年八月廿二日滅年

六十八

按扶桑略記為廿三日天台座主記同本書帝王編年記為二日者似脫

廿

天台座主記云內供奉阿闍梨猷憲

持念治

山一年下野國鹽屋郡人師主智證大師隨

大師受法灌頂德圓講師弟子承和十四年

月日受戒年二十一寬平五年三月廿五日

任座主年六十七賜四十七同六年八月廿

二日卒年六十八

圓珍和尚傳云寬平三年春二月和尚俄語

門弟子曰我今年將終我所傳三部大法宜

求其人而傳之其年五月即經奏聞蒙官牒

傳授三部大法於猷憲康濟兩大法師以為

三部阿闍梨為不斷佛種也

是月大法師康濟任園城寺長史事

園城寺長吏次弟云康濟權律師光定弟子
越前國人寬平六年任

僧官補任云康濟律師寬平六八任治三年

按二中歷作慈
鏡且為九月任

九月大 庚申朔

五日 甲子臨時奉幣事

西宮記云寬平六年九月五日此日被奉伊
勢太神宮臨時幣

又云寬平六年九月天皇御大極殿乾角奉

幣諸社

新羅賊船到着對馬島事

文在十
七日

九日 戊辰重陽宴事

管家文草重陽節侍宴同賦天淨識賓鴻應
製秋風拂拭易排虛道路依晴稚羽初碧玉
裝筍斜立柱青苔色紙敷行書時霜唯痛頻

寒着沙漠不知幾里餘賓雁莫教人意動向
前旅思欲何如

長谷雄

類聚句題抄天淨識賓鴻紀納言銀漢浪晴
橋不斷紫微雲破陣初橫尋聲得識多賓客
逐影相看幾弟兄同題統理平青靄盡時辭
北土絳霓殘處客南中聲懸碧落驚天斗影
點銀河亂暮虹同題高五常數行成陣添嚴
仗群輩差肩亞侍臣候節遙過溟海曲隨陽

自屬帝王津

十日己巳重陽後朝事

管家文草賦雨夜紗燈應製并序宮人入夜
殿上舉燈例也于時重陽後朝宿雨秋夜微
光隔竹疑殘螢之在藂孤點篋紗迷細月之
十排霧臣等五六人奉勅見之見之不足應製
賦之云尔謹序紗燈一點五更迴不要寒雞
曉漏催晴誤穿雲星乍見秋疑冒雨菊新開

耳聞落淚兼聞曲手勸微心且勸盃每憶脂膏多渥潤那勝恩澤繞身來

十一日庚午依穢停例幣事

西宮記云十一日例幣使依內裏穢停止云

云

十二日辛未大法師康濟任天台座主事

天台座主記云康濟和尚蓮花房律師寬平六年

九月十二日任座主年六十七鵬四十八勅

使少納言令輔王同十三日到來按僧官補任為十三

日帝王編年記為廿五日扶桑略記愚管抄同本書

十三日壬申停大宰府史生一員加置弩師事

類聚三代格云太政官符應停史生一員加

置弩師事右得大宰府解備謹檢案內格條

云去弘仁五年五月廿一日除史生一人置

弩師一人若有病故誰補其闕望請重減史

生加置弩師謹請官裁者大納言正三位兼

行左近衛大將皇太子傳陸奧出羽按察使
源朝臣能有宣奉勅依請寬平六年九月十
三日

十四日癸酉左大辨道真請令公卿議定遣唐使

進止事

菅家文案請令諸公卿議定遣唐使進止狀
右臣某謹案在唐僧中瓘去年三月附高客
王訥等所致之錄記大唐彫弊載之具矣更

告不朝之間終停入唐之人中瓘雖區區之
旅僧爲聖朝盡其誠代馬越鳥豈非習性臣
等伏檢舊記度使等或有渡海不堪命者
或有遭賊遂亡身者唯未見至唐有難阻飢
寒之悲如中瓘所申報未然之事推而可知
臣等伏願以中瓘錄記之狀遍下公卿博士
詳被定其可否國之大事不獨爲身且陳欵
誠伏請處分謹言寬平六年九月十四日大

使參議勘解由長官從四位下兼守左大弁
行式部權大輔春宮亮菅原朝臣某

十七日

丙子

對馬守善友敗新羅賊徒事

扶桑略記云九月五日對馬島司告新羅賊
徒船四十五艘到着之由大宰府同九日進
上飛驒使同十七日記云同日卯時守文室
善友召集郡司士卒等仰云汝等若箭立背
者以軍法將科罪立額者可被賞之由言上

者仰訖即率列郡司士卒以前守田村高良
令反間即島分寺上座僧面均上縣郡副大
領下今主等為押領使百人軍各結廿番遣
絕賊移要害道豐圓春竹率弱軍四十人度
賊前凶賊見之各銳兵而來向守善友前善
友立楯令調弩亦令亂聲時凶賊隨亦亂聲
即射戰其箭如雨見賊等被射并逃歸將軍
追射賊人迷惑或入海中或登山上合計射

殺三百二人就中大將軍三人副將軍十一
人所取雜物大將軍縫物甲冑貫革袴銀作
太刀纏弓革胡籙充夾保呂各一具已上附
脚力多米常繼進上又奪取船十一艘太刀
五十柄梓千基弓百十張胡籙百十房楯三
百十二枚僅生獲賊一人其名賢春即申云
彼國年穀不登人民飢苦倉庫悉空王城不
安然王仰為取穀絹飛帆參來但所在大小

船百艘乘人二千五百人被射殺賊其數甚
多但遺賊中有最敏將軍三人就中有大唐

一人已上
日記

小右記云寬平六年新羅凶賊到對馬嶋嶋
司善友打返即給賞

又云引見寬平外記日記云有警固北陸山
陰山陽南海等道要害

十八日丁諸國檢非違使立秩限并停補无位

人事

類聚三代格云太政官符應諸國檢非違使
立秩限并停補无位人事右檢案内把笏帶
劔威儀不輕糾察追捕職掌惟重而年來所
任不必其人官縱雖早選何踈畧者大納言
正三位兼行左近衛大將皇太子傳陸奥出
羽按察使源朝臣能有宣奉勅亘自今以後
停補无位人并以六年為一秩准職非永例

隨時廢置先任之輩秩限滿則不待替人直
從解任寬平六年九月十八日日大
大宰飛驒使來事

文在
明日

十九日戊寅令出雲隱岐兩國依舊置烽燧事

扶桑略記云十九日官符云應出雲隱岐等
國依舊置烽燧事右得彼國解稱檢令條諸
國置烽燧若有急速則達京師遠近相應慎

備警固至于延曆年中內外非事永從停廢
而今寇賊數來侵掠邊垂加之此國遙離陸
地孤居海中風波危厲往還不通縱有非常
何得通告望請官裁雖不通京都而件兩國
境依舊置烽燧者右大臣良世宣奉勅依請

賜勅符位記等於飛驒使事

北山抄云寬平六年九月十八日子二剋大
宰飛驒使來十九日戌二剋飛驒使來言上

廿打殺新羅賊二百餘人之由云二寅四剋召

先後飛驒使於陣頭給白衾各一條緣其早
來也一人給勅符一人給位記等還遣之

新儀式飛驒條云大臣令內記作勅符又仰

辨官令作副官符即詣御所奏覽內裏式載南殿儀而

近代不御南殿元慶寬平天慶御盡日訖大
上卿着亘陽殿座召所司行事

臣還於本座云二

廿三日壬午依新羅賊來奉幣山陵事

西宮記云寬平六年九月廿三日奉山陵臨
時幣停尋常政依新羅凶賊來侵也納言已
上有障不參仍使參議參入行事

小右記寬仁三年四月廿四日下云寬平六
年新羅凶賊時宣命野美材自筆草慮外尋
得書寫送四條大納言公仕爲令見宣命之趣文
太優報云美材文華拔群者也見管家集者

廿七日丙戌東宮覽殘菊事

管家文草暮秋賦秋盡翫菊應令并序古七
言詩曰大底四時心摠苦就中腸斷是秋天
又曰不是花中偏愛菊此花開盡更無花詩
人之興誠哉此言夫秋者慘慄之時寒來暑
往菊者芬芳之草花盛葉衰于時九月二十
七日孰不謂之盡秋孤蓼兩三莖孰不謂之
殘菊謹奉令旨賦此雙關意之所鐘刀火交
刺故獻五言以資一劇云爾惜秋秋不駐思

菊菊纔殘物與時相去誰厭徹夜看

廿九日戊子令科責不勘正稅帳國司事

類聚三代格云太政官符應科責不勘正稅帳諸國司事右得民部省解備主稅寮解備謹檢式備進正稅帳者諸國二月世日大宰管内國嶋五月世日以前者此誠所以辨去年雜用知國內官物者也今諸國遠者廿年以下近者五年以上或默而不進或進而不

勘因茲載結解帳每年由送而依無科責猶致緩急交替時移之後纔勘去年帳雖勘出物其數千万而謂非當時唯事規避徒有勾勘之煩曾無填納之勞後任之吏慣其如此寄言前司無心勤勘夫正稅者國家之資非常之備若有急用何得勘申望請殊立科條嚴誠將來者省依解狀謹請官裁者左融大臣宣奉勅依請今須件帳一任之內或過時不

進或雖進不勘之輩遷替之日雖進解由返
却不收以懲後人唯依舊年欠猶未填納且
請取返却帳之國論實是勘濟公文也雖無
返抄理非可責假令未及勘當時之帳而勘
濟前司公文八年以上者從政匪懈公勤可
稱若有辨濟填納請取返抄四年以上者擢
於等倫殊加褒獎寬平六年九月廿九日按
月十四日民部省下此符 於主稅察見政事要略

是月門人賀參議道真五十筭事

北野宮寺緣起云寬平六年九月於吉祥院

有知命之御賀或記
十月

菴栢天神緣起云寬平六年長月の頃門徒此
くくゆり池も海も吉祥院小つりまきり
のゆり池も海も吉祥院小つりまきり
乃進れ御賀とんや色い
寺々々々の新又小砂金とわおとくゆりまきり

つて堂の海人の業れふと記しりあのみあく
— ちあふさうまわや— とあひてむる記
— ことを傳聞菅家門客若智知會之年弟子
雖刺跡人間無名世し而教記淳教之風多改
蠢昧之過古人有言無德不報無言不酬深感
彼義欲罷不能故福田と地捨此沙金今以表
中誠し不恒沙以祈上壽之無涯莫疑其人
可求其志遠居北關之北遙增南山と和南

とこをのりしゆをれし時少治功徳延びの
余の及師少中陽成 鑑銘し理りか— けふも
毛子の波をふあれり希代の徳ゆとや
あふかの毎流りあへ流けり
按北野縁
起同之

十月小 庚寅朔

五日 甲午 定檢非違使廳每日令行政事

政事要略引寬平七年別當宣云近者囚徒
滿獄科決猶遲或所犯是輕禁囚日久或本

罪既重待_レ斬終身獄官之道理不可然因之
去年十月五日須定_下左右檢非違使廳每日

行政之狀、

已畢

全文在七年二月

十八日

丁未東宮被奉菊花事

日本紀略云醍醐天皇寬平五年四月十四日
壬午策立為皇太子六年十月十八日殖
霜菊於丹墀奉覽天皇

十一月大

己未朔

十一日

己巳重令敬祀祈年等祭事

類聚三代格云太政官符應二月祈年六月
十二月月次祭國司一人率禰宜神主等向
神祇官受取幣帛物事右可受取幣物如法
慎祭之狀去年三月二日下符五畿内七道
諸國已畢今聞國司緩急不勤祝部踈畧無
慎中納言兼右近衛大將從三位行春宮大
夫藤原朝臣時平宣奉勅國之大事莫過祭

祀不守符旨急在主司須畿內并近江紀伊
等國選國司掾目若史生品官之中謹厚恭
敬者一人充使者率禰宜祝部等向神祇官
受取幣帛物即便每社如法慎祭祭畢之狀
差使言上若致闕失殊處科法又其見參祝
部等交名者前祭一日使者等進官事據祈
福不得乖違自今以後立為恒例寬平六年

十一月十一日

外麻平若祭事

令解却郡司所帶近衛等事

又云太政官符應解却郡司所帶左右近衛
門部兵衛等事右百里之任衆務所繫而或
郡司偏称宿衛有妨公事准之政途理不可
然者中納言兼右近衛大將從三位行春宮
大夫藤原朝臣時平宣奉勅宜不論異能無
才且解却且言上但擬用之輩隨國司申登
時解退曾不停滯適令分憂之吏頗得施治

之便寬平六年十一月十一日

三十日戊子令斷未得解由人所犯本罪事

類聚三代格云太政官符應斷未得解由人所犯本罪事右檢交替式未得解由内外官人犯用借貸可依法斷罪天長二年五月廿七日條制已立而垂制之後寬縱不行官物減耗大概由斯今諸國不與解由狀所載負累彼此不同或欠失千計物既入已或無實

万數皆在民身尋其犯過輕重相殊而俱拘解由不許叙用論之公途實非折中融左大臣宣奉勅宜仰諸司依式行之令彼負累之倫自知廉耻之節者事須内外諸司所申示與解由狀勘解由使勘判訖刑部省待使局送斷其犯罪然後更付使局令奏其餘徵物奪祿等皆如舊例寬平六年十一月廿日按政事要

禁略又載之

禁諸國百姓稱王臣家人騷擾部內事

又云太政官符應禁斷諸國百姓稱王臣家人騷擾部內事右舍人帳內資人之外託仕官家一切禁斷去寬平三年九月十一日新制已立下符之後未經年序而無賴奸猾之類猶稱王臣家之人放縱暴猛不從國郡侮慢牧宰騷擾所部誠雖猾民之濫惡都又憲綱之寬簡也不立嚴制皇威何張左大臣宣

奉勅重立法制以絕暴惡者諸國承知舍人帳內資人以外若稱官家人好濫惡者隨犯見決莫以寬宥如有陰贖注狀言上不得阿容寬平六年十一月世日

令檢非違使巡察大井與度等事

政事要略云右大臣宣奉勅檢非違使每旬

巡察大井與度山崎大津等非違者寬平六年十一月三十日左衛門少尉橘在公奉

十二月大 己丑朔

十一日 己亥 依穢停月次祭事

西宮抄月次祭條云寬平六年十二月真言

院西方有死人仍止祭云

十五日 癸卯 參議貞恒等兼任事

公卿補任云參議從四位上源貞恒十二月

十五日兼大藏卿參議從四位下管道真左

大弁式部權大輔春宮亮勘解由長官八月

廿一日兼遣唐大使十二月十五日兼侍從

政事要略云右大臣從二位菅原朝臣寬平

六年十二月十五日兼侍從左大辨式部權

大輔勘解由長官春宮亮等如故 按又見大鏡裏書古

今集目錄

廿三日 辛亥 聖寶任權律師事

東寺長者補任云聖寶寬平六年十二月廿

三日任權律師 按三寶院血脈為十二日古今集目錄為廿日密宗血脈

抄為廿二日歷代
皇紀為廿八日

廿八日丙辰依渤海客可入觀任伯耆權掾事

公卿補任云橘澄清寬平二年秋文章生同

六十二廿八伯耆權掾依渤海客入觀也按藩

客入觀在

明年夏

廿九日丁巳始置權法務事

釋家初例抄云東寺正法務始僧正真雅貞

觀十四三十四補之權法務始僧正聖寶寬

史平六十二廿九補之

按醍醐寺緣起為廿三日東寺長者補任密宗

血脉抄歷代

皇紀同本書

醍醐寺緣起云根本尊師者東京人俗性王

氏寬平六年會召候清涼殿獨任律師即日

亦授以法務

是年定重任諸寺別當等例事

政事要略天慶四年官符云應覆勘功課後

重任諸寺別當三綱事上右律師法橋上人位

仁敷去年八月十九日奏狀備檢先例諸寺

若言上別當三綱功課重任之日先經三司

然後進官事同寬平六年符於是或被遣官使或仰

綱所被遣威從一人覆勘之後若有實功課

或被許重任也全文在天慶四年三月

皇統同本書

皇統同本書

史料卷之十四

